

倪雲林先生詩集



倪雲林先生詩集

四部叢刊初編集部

上海商務印書館縮印
秀水沈氏藏明天順本

雲林詩集前序

東吳當元季割據之時智者就其謀勇者效其力學者售其能惟恐或沒而有甘抱清貞絕俗之態率閼其用全其身而不能失其所守者非篤於自信不能也錫山倪雲林先生是焉先生諱瓚字元鎮雲林其自號也家故統於資至先生始經財好學崇築清閼閼蓄古書畫於中人罕然其以愛寫溪山竹石政詞翰皆極古意性甚狷介好潔絕類海岳若然尤篤自晦區有若孟騷身似畫弃其所蓄如焚履

然率之扁舟獨坐焚香弄翰以興漁夫堅坐泯泯於五湖三泖間又邇天隨子既而

大明花天六合一統唐今且百年矣彼之偉功藝於一時者馳電迅泯無聲迹之可尋而獨先生詩畫流落於人世雖孤不意拱壁耽玩之際猶覺清風灑然使人為之興起嗟謂非篤於自信者能然乎先生之詩僅嘗見於題咏近得常之弟漢塞君朝陽彙釋五七言古律絕句總若干卷走書

京師俾予評之以傳予謂其清

新典雅迥無一匹差俗氣固已
類乎吾人然真之陶常岑劉間
又孰古而孰今也耶大美玄酒
不和而自醇生絃疏越一唱而
三和有益青者矣朝陽讀女好
義高先生之誼而重其才寶愛
是集欲傳之無窮真可謂深知
夫詩而樂揚人之善者歟不然
則是編也其不至於湮沒無聞
者幾希故不辭而為之序

天順四年歲余庚辰菊月既望
翰林侍讀學士奉直大夫直
文華殿雲間錢溥書



倪雲林先生詩集目錄

卷之一

四言古詩 五言古詩

卷之二

七言長詩

卷之三

五言律詩

卷之四

七言律詩

卷之五

五言絕句 六言絕句

卷之六

七言絕句



倪雲林先生詩集卷之一

荆溪 寒 曉 朝陽 編集

四言

義興異夢篇

辛卯之歲寅月壬戌我寢未興戶闔于室愛夢異物
黯淡慘慄或禽而角或獸而翼或駭奔或形人立
往來離合飛搏跳擲紛攘千態怪技百出于茲泊然
抱冲守一廓如大虛雲歛無迹晨鷄既鳴冠帶斯畢
步庭而咏已化奚恤春風惟振亮月在席獨弄何損
榮華匪益獨以圓悟境無順逆愚夫說夢轉墮迷塵
滔：天下病者良極俟我大雄拯此羣溺

至正十年十月廿三日余以事來荆溪重居寺
主邀余寓其寺之東院凡四閱月待遇如一日
余將歸廼命大覺懺除垢業使悉清淨乃為寫
寺南山畫已因畫說偈

我行域中求理勝家遺其愛憎出乎內外去來佳止
夫豈有碍依素或宿御風亦邁雲行水流游戲自在
乃幻岩居現於室內照宵中山應七不昧如波底月
光燭眇昧如鏡中燈是火非詭根塵未淨自相翳晦
耳目所移有若盲瞶心想之微纖六境壞羶然一咲

了此幻界

韻畫上

義興之山維水游載遊載咏操觚挾几聊樂一日百
歲奚俟

倪雲林先生詩集卷之一

荆溪臺 儀朝陽編集

五言古詩

春日雲林齋居

池泉春漲深逕苦夕陰滿詠咏紫霞篇馳情華陽館
晴嵐拂書幌飛花浮茗盃階下松粉黃自閑雲氣暖
石梁蘿葛垂巖行踪斷非与世相違冥栖久忘返
次韻懷張外史

緬懷蕭蘭館乃在華陽天燒香當陽谷濯纓向泉
真靈浮空至樓觀与雲連彈琴明月下詠舞胎仙

雨中寄孟集

英々西山雲翳終日雨清池散國文空林絕行屨
野性夙所賦好懷誰共語燒香對長松相与成賓主
聽素子方彈琴

蕙帳疑夕清高堂流月明芳琴發綺席列坐散煩纒

地翔別鶴意縹緲孤鶩鳴一寫冰霜操掩抑寄餘情

贈天寧福上人

荆溪霜落後銅官日出初自櫛頭上髮更理篋中書
上人定起咏言方繞除邂逅發微咲幻身同太虛
十二月十七日過与之洛澗山居留宿急大雪

作及明起視戶外岩岫如玉琢削竹樹壓倒遂
無行踪飄瞥竟日至暮未已雪深尺餘因賦詩

留別

世途紫荏苒歲晏不知歸密雪竹林夜挑灯共掩扉
蕭條塵慮淨詠咏玄言微遇此岩中賞心事悵多違
為方厓畫山就題

摩詰畫山時見山不見畫松雪自纏絡飛鳥亦閒眠
我初學揮染見物皆畫似郊行及城遊物歸畫箇
為問方厓師孰假孰為真墨池挹清滴寓我無邊春

奉謝張天民先生

鳴鶴將北歸裏面舊樵廬江湖春水多欲去仍回顧
稻梁豈余謀繪織非所慮猶為氣機使喧冷逐來去
寒々天宇寬彼此同一寓風萍無定踪易散聊為聚
君看網中魚在波猶相照

夜泊芙蓉洲步寄張鍊師

芙蓉猶滿渚疎桐已殞霜泊舟菰蒲中吳山隱微陽
因懷靜默士竹林閤玄房煮茗汲寒澗燒丹生夜光
憶与鄭都輩閑咏步脩廊時子有所適顧瞻重尚羊
庭下生苔蘚牖間緒詩章奕勢鄭老勝酒盞郊生將
雅歌雜詠諧列坐飛羽觴子歸日已晚素果亦傾筐

揮手輒謝別暮宿荒城傍遙明越兩期待子鄭公堂
晨往遂至昏企望徒傷乃嗟仙真馭固非世所望
惻惻理歸棹茫茫秋浦長還尋甫里陸更醉山陰王
素冠斯馳贈喜知終未忘余茲將遠適旅泊猶彷徨
微風動虛碧初月照石梁曠望對清景賦詩托陳郎
後岑思同煮夜雨共匡床

蕭閒道館聽東南宮琴是日風雨蕭然有感而作

玉琴轉清亮風雨更飄飄疎桐蔭高館朱槿耀芳條
生物易可道撫事發長譙弱齡陪清譙髮想垂髫
相見日以老離居夢且遙秋江眇雲水去鶴影搖

送高太守之秦鄜

秦漢置牧守猶古之侯伯封建而郡縣仁政固不易
漢宣知所本留意二千石慎哉高侯車願循古轍迹

蕭閒館夜坐

隱几忽不寐竹露下冷冷青灯澹斜月薄帷張寒飈
躁煩息中動希靜無外聆宵然玄虛際詎知有身形

和荅吳宣夫對雨見懷

溽雲交陰晦零雨隨風濤的皪集蓮池飄飄洒蘭皋
朱絲緩瑤瑟綠錢生寶刀撫事增慨慷端居倦遊遨

虞世每慙柳惲人徒詠陶脆質愛靈藥閒情宣弱豪
走筆次陶蓮韻送葉恭謀歸金華

手把玉芙蓉青天騎白龍出入人間世飛鴻踏雪踪
瑞草繁可拾羣峯森玉立璧月挂天南離離星斗濕
君昔在山時王龍山有輝因同白雲出更與白雲歸
白雲無定處豈只山中住河漢共縈紆經天復東注
金華牧羊人游戲不生嗔嘆拂岩前石行看海底塵
手調白羽箭隨彼磨銅硯一語不投機歸故寧再見
士豈始隗乎全趙匪相如項王疑亞父竟龍為魚
援何時已百年聊寄耳良也報仇歸言從赤松子
去山今幾年還山大學仙天台司馬宅雲氣近相連

双寺精舍新秋退和戎昱長安秋夕

秋暑晚差涼茗餘眠獨早清風振庭柯寒蛩吟露草
晨興面流水西望吳門道不知人事劇但見青山好

偶成

積雨不為休蕭條使人愁哀吟四壁靜病卧百虫秋
開門望原野江湖潯交流誰能載美酒為我散煩憂

次韻曹都水

杜陵布衣翁許身稷禹行賦詩原正始感事多哀傷
煌煌萬文焰爇爇數仞墻君能伸餘輝假日尚升堂

弛擔息荒途日莫將安之扶彈狂遊子聞鷄輕薄兒
衆方巴人唱獨歌陽春詩天門何嚴邃綠窓隱采思

贈錢鍊師

鍊師好神仙望拜金母臺壇上應玄運煌煌秀靈姿
天風流瓊響夕露調玉盃鳳栖池上竹雨添階下苔
時見兩青鳥碧海傳書來感此忽自嘆飄然遺氛埃

送甘允址上京師

翔鴻縱高安流水去不息枉道別友生揚舲望京國
婉婉前途翹蕭條餘景匿神京衣冠會左右金陽宅
驅馬流星繁垂軒春霧集嘉子玉質朗早通金閨籍
行逢明主願入補詞臣職束帶向晨趨陪燕終日吳
芳年易為晚所願崇令德莫白雲飛渺渺青山隔
秋風應節起万里思親客遲子返舊居嚮孟數相親

寄段吉甫

昔者段干木踰垣避其君冥翳岩穴間清風扇炎氛
德綿百世下吉甫賢且文神鷹養奇采芳芷結幽芬
回視當世士鷄鶩正紛紜區區事夸斂子獨介不羣
含瑟作而嘆此道誰復云

送章鍊師并寄鄭有道

良觀忽云阻桐花今亦繁落日滿洲渚揚舲念孤鶩

目懷息機叟藹真從灌園晨掃石上雲佇子接清言

玄文館讀書

玄中真師在錫山東郭門立靜舍拂玄文館幽處
敞朗可以開履至順壬申歲六月余處是無旬謝
絕塵事游心澹泊清晨拂沐竟遂終日與古書古
人相對形忘道接脩然自得也又西神山下有好
流水而味甚甘列與常水異館去西神山遠不出
五里故得朝夕取水以資茗薈之事居茲館讀書
研道之暇時飲水自樂焉乃賦詩曰

真館何沉沉寢寐神明居陽庭肅肅宏敞丹林鬱扶疎

曉言茲遊息脫屣榮利區檐楹初日麗池堂涼雨餘
焚香破幽寂飲水聊舒徐潛心觀道妙詠詠古人書
懷澄神自怡意愜理無遺誰云黃唐遠泊然天地初
迴首無八荒紛攘蚍蜉如願從消搖遊何許崑崙墟

述懷

讀書衡茅下秋深黃葉多原上見遠山被褐起行歌
休壚里間農叟荷篠過華林散清月寒水澹無波
遐哉栖遁情身外豈有它人生行樂耳富貴將如何

題驪山圖

校獵上林苑洗馬昆明池霜威肅然鼓雲氣登車旗

馬班陳賦咏衛霍經蠻夷王風既未遠文明方在茲
逶迤霄漢上鳳凰尚來儀

蛛絲網落花

落花綴蛛網蜀錦一規紅既咲綺疏外復照碧池中
含悽恹餘景散魄曳微風昔人問榮穢詎識本俱空

冬日窓上水影

日池浮湛澹霞牖上縈迴數腴三素雲照耀青蓮臺
高流輝自下含漪欲浚開尸坐以默觀靜極自春回

雪泉為王光大賦

高齋面絕壁林密迢難尋風落松上雪零亂幽澗陰
皓潔映鶴氅清圓和瑤琴閑咏以自樂聊用忘華簪

丙子歲十月八日夜泊閭門將還溪上有懷友

仁陸徵君

明發辭吳會移舟夜淹泊空宇無繁星微雲暝前郭
沉沉抱冲素悄々傷離索歸掃松迢迢君踐幽約

聽素負外彈琴一首有引

至正四年十一月素負外來林下為留燕旬臘月
十七日快雪初霽庭無來迹与僕靜坐自取琴鼓
之古音蕭寥如茂松之勁風春經之流水負外時
年八十有二顏貌筋力未如四五許人為言甫

弱冠遭逢盛明初宰當塗過九華山道逢神人以
棄食之後數日見夢寐間若冥感玄遇者負外輟
羅縕真仕祿以自給不為人所知豈郭恕先之流
歟為賦五言一首

郎官調綠綺谷雪賞初晴兩忘絃与手流泉松吹聲
問言踰八十二云嘗見河清挂帆望九華神人歎相迎
咬以海上棗歡慶若平生玄遇寧復得惜哉遺姓名

早春對雨寄懷張外史

林卧苦泥雨憂來不可絕掀帷望天際春風吹木末
飛蘿散成霧細草綠如髮念子獨高世南山脩隱訣
撫弄無絃琴招邀青天月神安形不凋跡高行自潔
思之不可見飢渴何由歇願為鸞鵲翔南遊拂松雪

懷寄強行之常州學官

君在西溪上年々楊柳春提壺坐柳下邀我見情真
青葉已垂帶白花還覆蘋別來今見柳思尔采芳芹

三月六日同李徵士遊禪悅僧舍礼上人出柯

博士所賦詩以示僕而博士君歿已二年展誦

為之懷斷因次第其韻于後

佛生七佛後乃知青出藍寒月留孤光世人徒指談
嗟余墜狙網朝暮逐三四悲嘆明鏡塵何由息禪龕

戊寅十二月丹丘柯博士過林下賦詩次韻酬

卷

積雪被長坂卧病守中林山川雖云阻舟楫肯見辱
傾蓋何必舊相知亦已深驚風飄枯條清池冒重陰
聯翩雙黃鵠飛鳴綠水潯願望思鬱紆衷徊發悲吟
願言齊羽賦金石固其心歡樂何由替黃髮期滿簪

已卯正月十八日与申屠彦德遊虎丘得客字
余適偶入城本是山中客舟經二王宅吊古覽陳迹
松陰始亭午嵐氣忽歛去仍裴徊題詩滿香石

古詩二首奉送友仁賢良之京師

春風吹蘭蓓佳人將遠遊何當還神京鬱鬱浮
賤言妄邁志飛轡不可留宜無金閨考与子結綢繆
河山風氣雄江水日夜流遙瞻雲中腐庶以慰離憂
吳山朝霽外關門春雨餘忽忽孤帆遠天末浮雲舒
君今北闕遊我栖南山廬荷鋤事耕作閉戶詠詩書
高林鳴禽曙青苔行迹疎还期茅簷下一柱故人車
江陰素仲微作軒名質林日夕嘯咏其下至正
十二年二月廿四日訪余南蘭陵寓舍徵僕賦
詩遂走筆成書不能尽道軒中清事也
風生箕簫谷雲迷渭水原蕭蕭春雨後翳清陰繁

憶昔文使君燒笛具盤飧彭城詩適至大笑飯為噴
風流成異代寂寞今誰論夫君登陽隱字徵其姓素
二仲接俸遊子猷時到門冠同薩縣製坐對宣城尊
翠羽共栖託鳳雛亦孤鶯載誦偃竹記忽若聞清言
雖我古人跡尚友不可諉

杜真人聽松軒

計籌白石頂聞有丹丘生和玉飲晨露餐絳英
止鶴眠松警螢火照書明為善得仙道儵然不近名

擬陰常侍一首奉寄劉秘監趙貢外

幽并游俠地都城百雉連河漢瞻疑近雲霓信是仙
樓外霞欲曙花將月共妍摘豪傾薄思賦賦足為傳
還知誇烏鵲夜宿綠雲邊

玉壺中插瑞香水仙梅花戲咏一首

寒梅標素艷幽卉弄妍姿團團紫綺樹共耀青陽時
折英欲遺遠但恐傷華滋置之玉壺水芳馨消歇遲

秋夜賦

清漏下數刻疎鐘仍獨聞零露溥夕影端居澄俗氣
恬淡斯寡欲榮名非所欣樂笑咏王風忘年栖白雲

述懷

嗟余幼失怙教養自大兄屬志務為學守義思居貞

開戶讀書史出門求友生放筆作詞賦覽時多論評
白照視俗物清言屈時英貴富鳥之道思垂令名
大兄忽指館母氏繼淪傾慟哭肺肝裂練祥寒暑并
釣耕奉生母公私日侵凌黽勉二十載人事浩縱橫
輪租膏血盡役官憂病嬰黽勉事汚俗終懷心獨驚
聲折拜胥吏戴星候公庭昔日春草輝今如雪中草
寧不思引去緬焉起深情寔恐貽親憂夫何遠道行
遺業忍即弃吞聲還力耕非為棲蟻計興已浮滄溟
雲靈龍蛇噬不緩辨渭涇逸々岩洞阿靈芝輝紫莖
有志而弗遂悲歌歲崢嶸治長在縹緲仲尼猶玉稱
嵇康肆宏放刑僇固其微被禍以懷王天爵非外榮
賤辱行豈玷表襮徒自矜蘭生蕭艾中未嘗損芳馨

泊舟一首

泊舟嘉樹下開牖碧江潯慨然念黃落意憇清陰
多暇觀魚鳥容与一登臨稅迹塵喧久欲寡天機深

贈王光大

春服始輕體嘉樹欲垂陰夫樹結秀色江流涵碧深
晴絲正高下好鳥亦嚶吟豈無伐木詩怡此風雲心
次韻答友生

處世若過客鴻之行道孤願友吉德士遊焉如鳳雛

人而無恒心未易為醫巫往者不可作玉匣埋珠襦
枳棘何榛々上有鵲象呼維桐驚栖止來匪應時需
卓犖千里馬壯氣塞九衢驚駘宜其偶齟齬當臨車
龍可泰而致魚鮪固充廚未聞商山翁委屨稅以租
俗人難与言長吟野知澗青松在澗發坐閱霜柏枯
所嗟鄭亂雅淩悲紫奪朱至道安可言多金豈微符
忽為壁藤著憔悴悲路隔軍瓢咏王風耿々心動劬

次韻姑蘇錢塘懷古

西子承吳寵餘踪見古臺空遺昔時月無復昔人來
臺邊越兵路幾見起兵埃

釀酒劍池水王壺清若無揮盃送落月山鬼共歌呼
松間灯如漆白骨漫寒無

耕鑿古隱穿乃吳桓王墓金鴈隨冷風黃腸畢呈露
悲歌異今昔踟躕緩歸步

仙人悲世換寔景在清都寒暑自來往英雄生釣屠
錢唐江畔柳風雨夜啼烏

江山國破後弔古一經行輦路蒼苔碧砌溝菰葉生
古跡今寧有新城江上橫

南山雲石澗翠壁掩松關張君已厭世乘鶴遂不還
羅磴餘幽獨今復誰躋攀

贈惟寅

隱几方熟睡故人來扣扉一咲無言說清坐澹忘機
水上松蘿雨袖中南澗微知尔山中來山中無是非
三十不要妻四十不出仕消搖岩岫間翳名以自肆
何曾問理亂豈復陳美刺高懷如漢陰終老無機事

送惟寅

春江烟靄綠遠樹明清旭歸鴈影斜鳴聲漸復續
陳君挂帆去侶与鴈相逐水際白雲度山中甘雨足
安得從耦耕柴門鑿松菴去且入滅懷抱向誰傾
姚公有古道虛夷多遠情俾尔遂高隱狂歌樂逸貞

貞松白雪軒分韻賦

至正二十三年正月廿日白吳倪瓚与某某會於
貞松白雪軒其地林石奇勝窓牖明潔軒中主人
又好文尚古有文武林款坐設酒饌相与嘯咏以
小謝雲中辨江樹分韻各賦瓚得韻字

境靜塵慮清雨餘山光變池館閑虛閑琴酌中縫綠
蔚然春木榮想我飛翮倦石間有題字苔蝕已難辨

對春樹

端憂對春樹影落身上衣美人手所成綰結願無違
步履悲往躑躅瞻景惜餘暉芳襟沾露濕蘭佩委風微

凝思自的々染澤尚依々晨鷄催夢短夜鶻逐魂飛
秋愛自茲畢憔悴捐容輝

送致用游閩

韓衆爲穴來語我長生訣偶坐聽春雨止即言別
乃知茅君山貞居相往還山經許寄我依々師友間
貞居登真久識子十年後掣箱出遺文猶作蛟鼉吼
子去遊七閩漁浦桃花春白鷗飛送尔傳棹採鮮蘋
慢亭幾日到言咲邈無目憑將棹歌去歌向武夷君

送馬生

送子淮南行繫舟江岸柳翠影舞晴烟落我盃中酒
李亞向落日春水浮天碧時見白鷗飛雪光翻綺席
應咲披手求獨釣江邊石

寄揚廉夫

吳松江水春汀洲多綠蘋彈琴吹鉄篴中有古永中
我欲載美酒長歌東問津漁舟狎鷗鳥花下訪秦人

寄李隱者

南汀新月色照見水中蘋便欲乘清影緣源訪隱倫
君住鉅山湖綠酒松花春夢披寒雪去疑是剡溪濱

寄韓介名

江上雨雲歇夕陽歌吹濛朱絃彈綠綺令我憶韓衆

京戲弱簾下鳥飛明鏡中夢夢清浦月直過雲溪東

次韻呈張德常

陶公興寓酒杜老愁亦酌豪傑千載入處世何磊落
此詞蔚忠義安貧務簡約嗟我輩腐爲選矣鳴皋鶴

朱火

朱火日方永涼風拂琴絲麋鹿遊基苑燕雀悲火帷
蕩然京輔地無凌漢官儀衆芳日蕪穢陰凝方自茲

黃本中書齋爲寓寄傲窓圖

庭樹綠交蔭時鳥語清綿春竹羅蓮萼夏花敷治蓮
慨然三季後契彼羲農前古井汲脩綆空齋網素絃
長歌歸去來悟悅陶公賢終尋桃花源息景窮幽玄

爲徐有常登葉湖別墅

葉湖水淪連松陵在其西望見吳門山波上翠眉低
白蘋晚風起寒烟遠樹齊水蕉籠筆格露柳罩金堤
居貞寧汲旅泊自樞屏處觀魚鳥風雨夜烏啼

寄穹隆主者

山雲淡縱橫幽鳥波上下寂寥非世欣自是怡靜者
平生非遊趣屋壁何夢晝還期者從峇地却同夜話

題原道西溪草堂

春水孤村迥荆溪暮畫西晚日鳴榔起山雨竹雞啼

櫻桃花已落蘼蕪未齊酒船尋賀監早晚到幽栖

煮石山房

汲澗煮白石雲栖南澗隈敲石發新火荊薪藉餘灰
坐候弁降理靜觀寒煥媒遂忘石鼎沸乍疑山雨來
丹成同此術鶴化詎能猜我亦資金液清淺嘆蓬萊

畫竹贈以中

吾友張以中少年如老翁因過脩竹裏邀我碧岩東
琥珀松膠醲玻璃名碗紅子端今已矣千載事同風

題墨竹送顧克善所判之高郵

高郵古淮甸世產不乏賢顧君佳佐郡才華當妙年
歌詩隱金石八音以相宣侈我錦囊句雅甚朱絃絃

而此艱虞際撫事一愴然飢者易爲食君能念顛連
何以贈子行墨君霜節堅

入郭

我初來城郭新綠餘舊微今我既出郭秋蓬落紅衣
郊居豈爲是市隱勿云非去々將何從西山行路微

塵至空昆海游潛四月餘賦歸亦無家塊處蝸牛廬
身世一逆旅成虧紛疾徐反身內自觀此心同太虛

聽錢文則彈琴

牛爲野郭中雞登山水上黃鐘雜姑洗春容以清亮

別鶴暮鳴飛流水春演漾愛尔絃手忘令我形神暢
憶昔擅能事宋余所尚錢君生後絕軼絕塵軼
操琴晚聞道月斧揮天匠杳如清廟瑟朱絃聽歌唱
古道久寂寂古音亦淪喪役役於淚沾纓歌詩重悲悵

題畫贈岳道士

羣興岳道士野鶴如長身我知弥明徒不是侯喜倫
結吟吟有得鍊春霜舞新手中石基子頭上簾酒巾
久居離墨山自謂無懷民表狂不經意松陵留十旬
香雲作輿衛長松為主賓既滋數畦菊淺種二畝芹
樂哉以忘死道富寧憂貧爲我具舟楫相期桃花春

贈王仲和

荒城夜風雨草木曉離披桂棹逗虛牖苔文滋硯池弄
翰聊寄逸永日以自怡且盡一日樂明朝非所知

訓張德機見贈

嘉藻狂我前令人意也消展詠當前除清陰起涼颼
出何去若穴隱何逃市朝仙師赤城霞旦々存神標

贈張士行

雲門有逸客非仕亦非隱玉井千尺泉此士難汲引
結交雲林吏不顧俗嘲哂我独唯任真子德常我謹
相知既有素力學仰顏閔久別見顏色笑安國天京

欲疎不能忘欲褻不可近

贈友生

春林積雨晴江渚烟波綠谷鳥語綿蠻潤泉聲斷續
蘿逕無來跡空山聞伐木時援清琴坐還同白雲宿

九日過秀行用韻一首

蕩舟烟景晚舉盃當素秋黃花忽在眼白髮乃滿頭
臨流發悲嘆援琴歌楚調羅席更淹留明月波間照
何事鹿皮翁逃名隱屠釣

又賦

九日喜初晴登高向何處山色見微茫波光淡容与
鼓枻逐輕鷗看雲覓新句適值無懷民相對澄神處

登竹簾徐李明

梓樹陰當戶時聞好鳥鳴独携一壺酒展席坐前楹
招邀白鶴侶吹弄紫萸香日景晚紛紛飛絮輕
風翻竹影亂明月已東生

對酒

題詩石壁上把酒長松間連水白雲度晴天孤鶴還
虛亭映蒼竹聊此息躊躇坐久日已夕春鳥啼關

贈野處民

水聲轉屋西山翠浮屋東床前苔滋雨門外松吟風

怡然無外慮心廣神為充曲肱以飲水至樂在其中
擊壤歌往古寧知事王公

龍門茶屋圖

龍門秋月影茶屋白雲泉不與世人賞
上有一天池水松風舞淪連何當攜飛鳥去采池中蓮

靈鶴詩

陶公職仙署子良亦冥通兩脩楊許業存思在祝融
周卿宅丹元未徹仰仙宗神明接祈禱虛夷恒格恭
飛霞煥玉檢流響徹金宮白鶴翔香煙倦載冷風
舞影綠雲上命侶青田中晨去瑤草春莫歸海塵濛
真靈忽降室利車儼浮空步虛酌明水遙遙清夜終

畫贈呂志學

江雲昏絕嶽汀樹猶斜陽獨立霜柳下渺然懷故鄉
歸來茅屋底篝燈寫微茫

畫竹贈志學

綠竹飽霜雪歲寒無在容風至天然笑復愛夏陰濃
寒暑不能移德比栢与松豈若桃李榮春在但丰茸

卷張鍊師

安居已度夏卧病乃經秋朝菌悲影短風萍歎波浮
寸田勤自治德宅可歸休慎勿与时競心境似虛舟

盛竹寄友人

先春競桃李凌陽歎蒲柳謝君靜者徒種竹安所守
亭心清淨心鬱鬱霜雪後賦詩寄遠懷此君真可友

陸德中祈雨有感

辟穀清虛久晨窓冷絳霞濯神成池水宴景升元家
憂國悲民瘼旱郊起雷車枯魚出涸轍槁苗生稻花
我住清江渚種芹連江沙忽乘蓮葉舟贈我仙掌茶
擬訪安期生為覓素如瓜

卧病

早憂命觴竿暴下忽經旬止酒卻腥腐端居謝喧塵
麤穢除內滯清虛以怡神江雲載飛雨飄洒永巾
矯首詠玄虛精思候仙真道園遊活淡心兵息狂狷
泠然風濤靜鼓枻銀河津戒我貪饕餮子病源果何因

次韻金希言

卧病久不憚微瘳起行吟逗苦無來述出門江水深
懷我平生交金蘭契同心欲共一尊酒道遠力不任
有客關我戶晤言樂中林飄蕭綠髮仙亦見雪滿簪
取琴与子彈悠悠山水音能成伐木詩歌以慰所欽

次韻張伯琦

長嘆悲人棄彈琴想天際夏殷禮相罔孰謂周可繼

大道久榛蕪高才日湮替遺書歎不泯校受豈有二
鄧孟道性善宅路喻仁義後生事言說慨彼涕沾袂
允矣二三子仰鑽互立志松柏受命獨歲寒籌策望
誰欽無愧作風駕尋吾契

酬友生

擁褐南榮下晨暉煖似春忽思王子晉醉看白紵巾
游宴無冬夏清狂忘主賓能持麋鹿脯寄与不羈人
贈陸有恒

學行美德業孝弟為本根朝益以暮習夏青而冬溫
無逸勤稼穡藁藁持口門勿為習俗流必念古義敦
謹身尚節儉從善拒蘭蓀堯舜雖有子朱均乃淫昏
誓餘何頑凶子也大聖尊蓮國生汙泥木可為犧樽
簡編蟲蟬出各有至理存惟人異禽獸慕棄湮其源
惟學必由本根深見枝蕃于何繡聲悅外飾奚足論
安宅正路間尔居行尔軌斯道迹且易至樂不可緩
尋友人不遇

咏木

洲渚多落英沂流尋遠山輕舟載美酒搖蕩綠波間
俯詠拾瑤草題思隘塵寰緣忽失遇張望遂空還
何處啄木鳥飛止于喬林微形亦以勞終日聞其音

所願木向茂不使蟲日侵吁嗟人之徒曾不如鳥心
次張仲率韻

秋疇時已過午饑休中林忽聞輶車至攬衣欣慨深
遂尋脩竹下共憇西澗陰汲泉以煮茗還我遺世心

薛常州讓田詩

廼陵古吳地泰伯有遺風仁讓自家國士民知孝忠
春暉草心碧日暮荆花紅為感使君改嗟時誰与同
贈友

父子相師友周南義理門阿翁如玉潔賢嗣似春溫
舍後自生笋堂陰亦樹萱西山近在望靜默以忘言

潘公鳴皋軒

白鶴南宗吳質嗣有奇姿海月比高潔岩雲共逶迤
池上菖蒲花春烟紫綬飛鳴聊飲啄乘風來下之
我登鳴皋軒遂賦鳴皋詩安得赤玉鳥鶴上吹簫差

西老圖

吊古歎流俗高人陳太丘開窓玩蘭雪邀我登瀛洲
池上賦清林間遠遊悠然遂永日下榻更淹留

為張米儀賦匡山讀書處

廬山鬱蒼崑上有香炉峯影落碧天外翠玉琢芙蓉
牽蘿讀書處雲磴無行跡猶遺石岩苔花開紫手茸